

Zanwuyekalo san 2010

San 38nan - Boko 456nan

Songo = dɔrɔmɛ 35

# KIBARU

Kunnafonisèben bota kalo o kalo - BP : 24 - Téléfoni : 20.21.21.04 Kibaru bugufiye Bosola Bamako

## Kani 2010 ntolatanw jaabiw

Kulu A - Angola, Malawi, Alizeri, Mali  
Kulu B - Kodiwari, Gana, Burukina Faso

Kulu C - Eziputi, Mozambiki, Benen, Nizeriya

Kulu D - Kameruni, Gabon, Zanbi, Tinizi

### Tako fôb

Angola - Mali = 4 - 4

Malawi - Alizeri = 3 - 0

Kodiwari - Burukina Faso = 0 - 0

Eziputi - Nizeriya = 3 - 1

Mozambiki - Benen = 2 - 2

Kameruni - Gabon = 0 - 1

Zanbi - Tinizi = 1 - 1

Mali - Alizeri = 0 - 1

Angola - Malawi = 2 - 0

Kodiwari - Gana = 3 - 0

Nizeriya - Benen = 1 - 0

Eziputi - Mozambiki = 2 - 0

Gabon - Tinizi = 0 - 0

Kameruni - Zanbi = 3 - 2

Angola - Alizeri = 0 - 0

Mali - Malawi = 3 - 1

Burukina - Gana = 0 - 1

Eziputi - Benen = 2 - 0

Nizeriya - Mozambiki = 3 - 0

Gabon - Zanbi = 1 - 2

Kameruni - Tinizi = 2 - 2

Karidefinali : Gana 3 ninini ntolatan

Angola - Gana = 0 - 1

Kodiwari - Alizeri = 2 - 3 ( mɔnɔbɔ kofe )

Eziputi - Kameruni = 3 - 1 ( mɔnɔbɔ kofe )

Nizeriya - Zanbi = 5 - 4 ( mɔnɔbɔ kofe an penalitiduurtut )

Demifinali : Gana 2 ninini ntolatan

Gana - Nizeriya = 1 - 0

Alizeri - Eziputi = 0 - 4

Joyor 3nan ninini ntolatan

Alizeri - Nizeriya = 0 - 1

Finali : Gana ninini ntolatan

Eziputi - Gana = 1 - 0

Togo y'a sen bô Kupudafiriki la

Togo ntolatannaw donna kare min

kono Ku bô taa Angola ntolatamba

la, Kabinda mogo murutilenw ye

mugucio la Angolani Kongo dance

la zanwuyekalo tile 8 san 2010

Mogo saba tora sisila, Karebolila,

dezelikaramogé dankan, Abalo

Amelete, an'u ka federason

kummaton lasela, Sitansilasi Okilo

U ka tokolosila, Kojowi Obilale,

marifikisewy ojogm Mogo caman

fana joginna binkanni insenfe Kaiu

ye Togo nangi, ka sen bô

Kupudafiriki nataw la san 2012 ta

ani san 2014 ta, ka da kan u ka


faamaw yu sama kai bo tulon na

## Koperatifu SOCAFON hami ye ka Ofisidinizeri minenkoma bœs nœnabo

Minisirijemog Modibo Sidibe ye Ofisidinizeri numuw ka ton nœmogow bisimila alamisadon zanwuyekalotile 7 san 2010. Olu kelen bœ koperatifu ye, min bœ wele nansarakan na «SOCAFON». U tun nanen bœ bonyamasegin ke minisirijemog ye. Sabula u bœ ka nafa soro u ka baarawa la k'a sababu ke naniya kura ye min tara malosene yiriwali kama.

«SOCAFON» sigira sen kan san 1.991 waati la Ofisidinizeri kono. A yelémana ka ke koperatifu ye san 2003 konoña na. A ka baarawa nesinnen bœ, senekeminew dilanni ma. Ofisidinizeri zoni 5 mume kono, dilannikyor 22 b'u bolo. Numu 44 bœ baara ke olu kono.

Koperatifu «SOCAFON» ni Holandijamana senekeminendilan izini do bolo be nœgon bolo. O bœ wele «IMAG-DLO». U ka jœnœgonya nesinnen bœ minen kura naframaw nœninini ma. K'olu dilan ka bila, senekelaw ka bolo kan. SOCAFON ka nin baara juman in kanu koson, porozew ni dœmedonjekuluw b'a segeré kosebe. A dœw bœ jamana wœrew la; i n'a fô Uruwanda, Burundi,



Socafon y'a sinsin cikeminew dilanni kan senekelaw sago la

Kongo Barazawili ani Ganbi. A kelen bœ nafa ye kopertifu in ma. Nka, o n'a ta bœ, geleya damado b'a kan.

Senekeminew bœ dilan ni nœgew ni

fen were minnu ye, olu lasorocogo;

kuransara ka ca; wariba fana t'u

bolo ka baarabaw keli matarafa.

Sayon Berete min ye koperatifu in

nœmog ye, o y'a jira ko ni geleya


kofolen ninnu te, SOCAFON tun b'a

fe, k'a disi da malosene naw ka minenkoma bœs la.

Jaabili la, minisirijemog Modibo Sidibe y'a jira SOCAFON nœmogow la, ko deme tena kotige u la. Modibo Sidibe ka fo la halibi, a tena meen maloworo izini dogomaninw benna jo Ofisidinizerizone kelen-kelen bœs kono.

Lasina Jara  
Dokala Yusufu Jara

## Eziputi ye 2010 kupudafiriki ta



Karidon, zanwuyekalo tile 31, Eziputi ni Gana ye nœgon soro 2010 Kupudafiriki ntolatanw laban na, Luwanda, Angola faaba la. A kera u ka Farikolojenajekyoro la min togo dalen be nowanburukalo tile 11 na.

Kupudafiriki siñe 27 nan in kera 1 - 0 ye Eziputi Kanu na. O kuru 1 in donna sanga 85 nan na Mohamed Gedo fe. Gedo kera Kupudafiriki in bidonna njana ye ni kure 5 ye, Ka Seyidu bilen (Mali), Filawiyo (Angola) ani Giyan Asamowa (Gana) tugu ale la. Gana denmisew y'u jeniyorfin kosebe. Eziputi ye porokoto kelen min ke u bolo, o de kera bi ye. Nin ye Eziputi siñe 7nan ye ka kupudafiriki ta. Nin kera a siñe folo ye jamana ka Kupu in ta siñe 3 ka da nœgon kan.

Ntolatanba in file fiyera an balimaké Koman Kulubali fe ni kunnawwole ye. Kani 2012 bëna ke jamana fila la: Gabon ani Gine Ekuatoriyali.

Solomani Bobo Tunkara  
Mahamadu Konta

## Taari 5.200 labenni daminena Ofisidinizeri kono



Jamanakuntigi ye baaraw dabane fole ke

Alatona maloseneyoro labenni be sira numan kan. Baara kun fole min jessinen be taari 5.200 labenni ma, sibiridon zanwuyekalo tile 16 san 2010, o daminenen. Jamanakuntigi Amadu tumani Ture y'a dabane fole ke Belidenaji. O ye dugu ye, min be Jabali komini na Nonon mara la. A musaka be se sefawari miliyari 35 ani miliyoro 700 ma. Lamerikenw ka demedonjekulu min be wele «MCN Mali», o ye taari 14.000 min labenni layidu ta Ofisidinizeri kono, taari 5.200 in b'o la. Yoro labenta in bena tila du 1.030 ce. A kelen-kelen be taari 5 soro. Kasoro Ofisidizeri fan tow la, du kelen ka taari soro te teme 2 kan. Baaraw kalifalen be cakeda

ma, min be wele «Satom-Razel». O kera kabini san 2009 zuluyekalo tile 17, k'a jira ko kalo 20 baara don. Fen min ye ko kura ye foroko la Ofisidinizeri kono, o ye titiriko ye. Ka yoro ke yorotigi ta ye. A te mine a la. Min mana di muso ma, o y'o ta ye. Min fana mana di ce ma, o y'o ta ye. Ce ni muso fila bee dama ka kan senekedugukolo tigya soroli la Alatona maloseneyoro labentaw la. Nih baara kun fole min daminenen, Belidenaji buguda fila be wuli; nka, u sigiyoro kura be jo ka di u ma sanni u ka wuli.

Moriba Kulubali  
Dokala Yusufu Jara

## Do be ka fara Ofisidizeri ji fanga kan

Jamanakuntigi Amadu Tumani Ture kelen ko ka Alatona maloseneyoro labenni baara kun fole dabane fole ke. A taara Ofisidinizeri jitilayorow lakurayalibaa raw damineni dabane fole fana ke. Marakala barazi temenen ko ni kilometre 10 noggona ye, jibolisirabaw be Puwenta ani Puwenbe la. N'o ye Saheli kanali ani Kala kanali ye.

Ofisidinizeri jibolisiraba ninnu labenna kabini san 1936 ni san 1947 furancew la. O waati ni bi ce, u ma sebekoro laben ka wasa. U minenw korola, u te se ka baara nafama ke tuguni. O de koson u bena lakuraya. A musaka be se sefawari miliyari 21 ma. «MCA-Mali» b'a jo n'o ye. Baaraw kuntaala ye kalo 24 ye. U kalifalen be Siniwaw ka cakeda ma, min be wele «Synohydro Corporation Limited». A b'a to do ka fara ji fanga kan jibolisiraw fe. K'a bo meterekibu 180 na, ka se meterekibu 300 ma segoni 1 kono.

Moriba Kulubali  
Dokala Yusufu Jara

## Burukina b'a fe ka do bo a ka koorisene fanga la

Ninan koorisene kanpani na n'o ye san 2009/2010 ye, kemesarada la, 14 benna bo Burukina ka koorisota la. San 2009 na, koori sorolen benna toni 720.675 ma. Ninan ta tenu teme toni 532.248 kan, k'a sababu ke koorko geleyaw ani sanjiko ye. Nin kunnafoni in dira Suleyimani Wedarawogo fe; ale ye sene yiriwali nemogo ye Burukina sene minisiriso la. A y'a jira ko do bora koorforo hake fana na. U tun be taari 535.325 sene; a kera taari 399.634 ye. Koori te ka ne tuguni; o fana ye do bokun ye Burukina ka koori sorota hake la.

## Komitieri ani jaba toni miliyon caman be ladon Mali kono san o san

Goferenaman ka cakeda min jessinen be jago kunkankow ma n'o ye «DNCC» ye, o y'a jira ko san 5 temenen in na, komiterisi, jababasi ani jaba misenninsi ka fara u hake duntaw kan, o min ladonna Mali kono, o ka ca kosebe. A mum'e cogoya file :

San 2004 kono na, komiteri ni jababa ani jaba misennin toni 2.200.000 ladonna. O musaka benna sefawari 718.800.000 ma. San 2005 ta tun ye toni 3.800.000 ye. O musaka benna sefawari 887.600.000 ma. San 2006 la toni 6.800.000 ladonna. O musaka sera sefawari 974.500.000 ma. San 2007 la toni 7.200.000 ladonna. O musaka benna sefawari miliyari 1 ani miliyon 200 ma (2.200.000.000). San 2008 kono ta sera toni 9.900.000. O musaka kera sefawari 1.500.000.000 ye.

Kasoro waatiw temena, Mali tun ye komiteri ni jababa ani jabamisennin sorobaabaw do ye. A tun be caman feere jamana werew ma. Nka bi, Mali de b'u san kokan ka don jamana kono. Komiteri bora Ameriki gun kan ka Mali lasoro Faransi sababuya la, nansaratile kono na. A tun lawulila wariko kama. Mogow tun b'a sene, nansaraw b'a san ka taa n'a ye. Komiteri seneyorobaw tun ye Kati ni Sikaso maraw ye. A ye nogoyaba don baloko ani wariko la o yoro ninnu na. Komiteri be dilan ka ke dumuni suguya caman ye.

Kati mara komiterisenena do ka fo la n'o ye Buguli Konate ye, nafa tun be soro baara in na kosebe. Sabula faamaw tun be komiterisi di senekelaw ma da duman na. Komiteri suguya minnu tun don, olu ye «Holandezi» ani «Sudanka» ye. U be ne kosebe; u kolo ka gelen ja bolo. O waatiw la komiterisi kesu

kelen songo tun b'a ta maliwari doreme 200 la (sefawari 100), ka se 250 ma (sefawari 125). Kasoro sene kanpani temenen in na, komiteri kesu kelen tun be sefawari doreme 5.600 la. A songo yelenna o la kosebe. N'o te a be san 3 bo, senekelaw tun be komiterisi soro sefawari doreme 5.200 la. Buguli Konate y'a jira k'an be don min, mogo caman fari fagalen be komiteriko la. Sabula ko komiterisi kura minnu be bo Eropu gun kan ka don Mali kono sisan, u songo ka ca, nafa fana te soro u seneni na. U te ku bere jigin u tijeta ka ca. I be musaka min don a siko n'a seneni dafe, i to nafa soro a la. O n'a ta bee, komiteri be sene kosebe Kanbila, Soninceji, Fanafiye, Sebeninkoro, Tubanin, Bananbanin, Donegebugu ani Jago duguw la, Kati mara kono. Nin yoro ninnu mogow koni b'a la k'u timinandiya a ko la, k'u jigi dalen to a kan, ko don bile janya komiterisi numan bena soro, nafaba be min seneni na.

Buguli Konate ka fo la, Sikaso mara la, komiterisenenaw kelen don jekulu ye, walasa u ka se ka nafa soro u ka baara la. Nka ko jekuluko ma sabati Kati mara taw fe. A k'o farajogonkanbalya fana geleya b'olu kan.

O geleya in be kolosi kosebe komiteri bowaati suguw la. Jekulu t'u kokoro min be komiteri san senekelaw bolo da duman na. Fo bee b'a ta feere i yesema julaw sagolasongo la. O b'a ta doreme 25 la ka se 40 ma, komiteri kilo kelen; senekelaw ta y'o la sanjikorowosi ye. O de koson Kati mara la, mogo caman yelemana sirasene ani supomuw ni nakolafen werew seneni kan.

Amadu Omaru Jalo  
Dokala Yusufu Jara



Kati n'a lamini cikelaw be komiteri sene kosebe

## Sirakelen nason

Sirakelenye duguye, min ni Kucala ce ye kilometri 12 ye. A tu tigebaaw ye Taraweleye. Bamananw don. U sigilen mænnen minankaduguwcela, yelemana ka ke minankawaye. Dugu sigira ka sirasun kelen min to yen, a togo dara o sira la ko Sirakelen. A kera jamanatigidugu ye nansaratile la. An be don min na, mog 5.000 be Sirakelen kono. U ka baara fanba ye sene.

Sirakelen nason kera jumadon desanburukalotile 25. Oyelaadalako do ye minankala. San o san dugumogow b'a laadalasigi ke ni fo bora. Nason in nemogoya tun be Sirakelen dugutigi n'a jenogonw bolo. Dunan caman fana tun b'a kene kan.

Yakuba Dawu min ye Kucala mara mijankaton nemogo ye, o y'a jira ko na ye laadalafen koro ba ye. Mog fen o fen b'a ton na, o b'a sariyaw labato. Kerkenkerennya la, nason be ke jumadon do fe san kono. Yakuba Dawu ka fo la, juma ye don barikama ye. Dugawuw jaabidon don, mako caman fana dilandon don.

Sirakelen nason mana dogoda, laben caman be ke yanni a don ce. Musow be nodolow don. Denmisewn be nason mun kura ye. U be negeuw

ke a la minnu be jakuntigi joyoro jira nason kono.

Seyidu Kulubali ye cekoroba ye, najeli don. A y'a jira ko ni nason dogodara, ale be konodimifuraw, denmisenniw ka banafuraw, ani dabalijuguw lankanfuraw laben ka bila mogow ye. Mog caman bena nason na, walasa u ka do soro a banafura ninnu na.

Nason don yere la, jama be nogon soro mankoroba koro nason masurunna na. Ni jenaje damine na pajeliw be donkiliw da. Jeli gazanw fana be naden sebekoro balima. Nka mogow were te donke min te na la. Ka jenaje to a tannifilafili la, kamalenkoroba do ye kulekan kelen bo. O ye na kelen ye k'a mine. Naden be wosi, a dajibeb, a faribeyere. Jakuntigi bee n'a sigiyoro don kene kan. Musow ni denmisennin be soro ka bo olu ni ce in ce kene cemance la. Naden be taama ka taa a suuli jakuntigi kelen-kelen koro. Nogonbonya ye nako sariyaw do ye.

Mijankala dugu caman na, nabore kelen walima fila be ke naden dow kere la. Nka nabore saba be Sirakelen nadenw kere la. U be to ka ladiyaliferenw di jama ma. Mogow b'u

kunko fo naden ye, a k'u bilasira. A ka kumaw te faamuya kosebe. Jakuntigi de b'a ka jaabiwalanwlan mogow ye. Ni muso korola, danfara ta ni cew ce nako la. Ce be min ke musokoroba b'o ke.

Yakuba Dawu ka fo la, nako dabolen belafiya kama hadamadenw ni nogon ce. Ladamuni sira do don cemanninkunda. Na be dugu lakana ani ka ben sabati mogow ni nogon ce. Cekoroba Seku Kulubali min ye najeli ye, o y'a jira k'u ye na in soro cen ye u benbaw fe. Samiyedonda fe, a k'u be Ala deli samiyeku ka diya, u ka den caman soro. Seku Kulubali ka fo la, a san 40 ye nin ye, ale be Sirakelen najeliya la. An be don min na, ale donna silame diine na. Nka, o t'a bali ka na tanunini waleyaw ke. Ka da a kan silameya t'ale bo halalaya la dugu in kono.

Na bee n'a togo don. Sirakelen na be wele Kanjan. Muso ne te da a kan, bilakoro t'a ye. Mog o mogofana ma don Sirakelen na la, o fana ne te da a kan. Ni mog min b'a fe ka don na la Sirakelen, i ne ka da Kanjan kan, i be sis kelen, wulu kelen, malo dornin, nafenw, ani bogodaga kelen bo. Sise ni wulu be faga ka na son n'o

ye. O y'a tigi donnene na. A ne be da Kanjan kan. O Dumuniw be tobi. Mog fen o fen donna na la, o b'a dun. Dumuni mana ke, na be jira mogo donnene kura la a ka maga a la. Nako laadaw be soro ka fo a ye. Na tana ye kungokonofen filia ye: dankala ani sonsan.

An be don min na, cekoroba Jace Taraweleye Sirakelen nason murutigi ye. Ale de be na son. Ay'a jira ko nako nijinetonde ka surun nogon na. Jineton jenaje senfe mogow ka jine be wuli. Nason la, na be mogow mine. Jace Taraweleye ka fo la, ni haminanko be mogo min na, o b'a dalafalen na la. Ala barika la o mako in be ye. Ni mako jena, a bena ojaabi di san kuru nason senfe ka layidu talen time. Sirakelen nason don, na ye mogo filia de mine. A filanan tun ye konesaka do ye. Alabanna ale minna, a sinankunw y'a bila ka nabore ta ka taa bila nason kono.

Jenaje to kuncera ni dafalenw jaabiwi komaseginni baganfagaw ye. Mali kono, siya bee n'a ka seko ni donko don. Sirakelen nason ye laada korow do ye. Oly'an danbe ye, ben ni kelenya kono.

Walasa laada kana tunun, Kucala mara mijankaw ye ton sigi sen kan, min be wele Mijanka Donka. Ale de nemogo ye Yakuba Dawu ye.

**Tenefin Taraweleye  
ORTM Bamako**

## Kameruni be ka dabali numan tige binkannikelaw kama

Binkannikelaw gennen ka bo sirabaw kan lakanabaaw fe, u yelemana wulakonduguw ni nogon ce siraw kan jamana kejekayanfan fe bagansonya kama.

Mog minnu ye sorodasiyakelaw ke Kameruni, Cadi ani Santarafiriki, olu caman kelen be binkannikelaw ye Kameruni. Marifa juguw b'u bolo. U be sira da mogow ne wulakonduguw ni nogon ce, k'u ka wariw, musomasiriw an'u ka baganw mine u la. Mog min mana murutili fari da u bolo, u b'o faga. U be to ka taa bin dugu dow kan minnu kofolen don u ye. San 2009 in zanwuyekalo la, wulakonduguw 25 datugura ka tile 10 ni ko ke Ngawundere kaso la. Adamawuwa gofereneri tun sigalen b'u fe, n'u ni binkannikelaw te je la. Binkanikela ninnutegemanada mog min kan, a ka here dan bee ye u sonfen ka soro a bolo. N'o te u b'a ni dje fara. Tuma dow la u be taa bagantigiba do den mine ka taa n'o ye, ka bagan walima warihake do bin bagantigi kan, a k'o di k'a den kunmabo. N'o te u b'a den faga.

Kameruni jamana na kunnafonisiben min be wele nansarakan na «L'oeil du Sahel», o nemogo Gibeyi Gatama ye jenjinini ke binkannikelaw ka waleya kelenw kan. A y'a jira ko san 2008

zanwuyekalo n'a zuwenkalo furance la, binkannikelaw ye bagantigiden 48 kantige, ka sefawari miliyari 4 min mogow la, ani ka misi 36.000 min e tigiy la. Binkanniko kelen be sababu ye ka mangoya da dunan tementaw kan duguw kono. Misali la Kepoli dugu la, zandarama ce fila sigilen be yen basigi sabatili kama. Ni dunan min nana, o be taa a bugunnatige di olu ma. Dugutigi kelen be ka jekulu do sigi sen kan, o ni zandarama ninnu be baara ke nogon fe. Ni sufenege kanje 23 dafara, mog o mog be don dugu kono, walima ka bo, o be segesegé lakanabaaw fe. Sorodasiyekuludfana

sigira sen kan san 2001, binkanni keleli kama. O be deme don zandaramaso ninnu na duguw kono. Kelkeminenjuguw besorodasiyekulu in mogow bolo. U be taakasegin ke siraw fe. N'u sigara mog o mog la binkanniko la, n'u m'o soro boli la, u be mug ci a la. Hadamadenw ka josariyaw lafasabaaw kelen k'u ka nisongoye jira lakanaso ninnu ka mogofagaw la, u y'a jira olu la k'u ka baara ye mogow n'u bolofenw lakanani ye. Yawuba Aba ye Kepoli dugutigi ye. A ka fo la, lakanabaaw be taakasegin ke sugujolaw fe mobiliw kono. N'o te binkannikelaw tun ye

sugujo negebo mogo caman na. A kalonaanayeniny, a ma binkanniko men a ka dugu sugujolaw dala. Duguden do kono y'a jira ko don gansanw fe, binkannikelaw be to ka mogow ka baganw mine u la sira dow fe. Binkannikelaw nesiranje fe, Yawuba Aba y'a jira ko caman bora u ka sugu bagansannaw na. K'o kelen be sababu ye ka bagan songo bin ni 30 ye kemesarada la. A ka fo la, min tun be feere 60.000 fo 70.000, sisan k'o te dowere soro 40.000 walima 50.000 ko.

**Sarali Nforigani  
Dokala Yusufu Jara**

## Alizeri te baara ke juma ni sibiri

Silamejamanaw ka lafijebodonw ye Alamisa ni sibiri ye. Alizeri ye silamejamanaw ye. Kabini san 1976 waatiw la, a fana tun be o don fila ninnu bila. Nka utikalotemennen in tile 14, Alizeri ye yelema don a ka segennafijedonko la; u be juma ni sibiri de bila sisan, u te baara k'o donw na. Yelema donni segennafijebodonko la, o kelen be ka nagami don ko caman najamana kono. In'a folakolita, u ka qanajinintolatan bolodal, ani kunnafonisibenw bodonko. Jamana kunnafonisiben caman tun be bo

sibiri; nka sisan u be bo juma. Batakibilayor n'o ye positi ye, o be dayele juma sogoma; ka laban k'a datugufokari. Yelema madonbankiw (waribonw) ta la. Olu be baara ke kari fo ka se alamisa ma. Baara kerkenkerenn minnu tun be ke alamisadonw fe, olu bilala jumadonw kan. Nin segennafijebodonko la, bennente silame dow ma folo. Sabula olubolo, kofosi man kan ka bila juma kan. O ye bato don ye. Yamaruya dilen mogow ma u ka jago ke jumadon fe, okonidiyalen jagokelaw ye kosebe.

Ka da a kan ka lafijebodonko to a waati koro la n'o ye alamisa ni juma ye, tile 3 doren tun be jagokelaw bolo dognokun kono u ka wulikajow la. Kunnafonisiben min be bowula fe n'a be wele nansarakan na «Le Soir d'Algérie», o y'a jira k'o waleya in tun be jamana bone sefawari miliyari 465 la san o san.

Alizeri segennafijedon bilali juma ni sibiri kan, o ye kosifile ye folo; n'o te silamejamanaw 12 yeleman sibiri ni kari bilali kan kaban. Maroku ni Tinizi b'o la.

**Azedini Benzuwiya  
Dokala Yusufu Jara**

## Nafa te juguya la

Ne be nsiirin do lakali aw ye juguya kan.

Ala ye kekunya caman di nsongsan ma. Nsonsan y'a miiri, ko Ala y'o kekunya min di ale ma, ale tēna son fen were k'o soro. Nsonsan ye kekunya in ke bara kōnō k'o dulon a kan na, k'a be yelen ka taa bara dogo jiri jan dō sanfe. Bara dun dulonnen be nsongsan disi kan, n'a ko a be yelen jiri kan, bara be tu jiri la ka nsongsan pan k'o bin duguma.

Wolōnin y'a to yoro jan fe ka nsongsan y'o yelenkabin na. A ko n be taa nsongson laje, ni fen min b'a la. Wolōnin selen nsongsan ma, a y'a nininka, ko a kera cogo di? Nsonsan ko ne b'a fe ka yelen jiri in kan, ka n ka bara dulon a sanfe; nka

n deselen be ka yelen. Kabini dugu ma je ne b'o da la fo sisan. Wolōnin ko a ma, e ka bara bila i kofe tan. Nsonsan kelen ka bara bila a kofe, a girinna ka yelen jiri kan ka taa a sigi fo o balen na. A ye foli di Wolōnin ma, o taara.

Nsonsan sigilen y'a miiri. A ko nafa te juguya la. A tun be ne jena ko Ala ye n ladiya ka teme fen b'ee kan. Jaa Ala ye wolōnin fana ladiya. A sinna ka bara fili ka jigin k'o ci, ka kekunya yereke b'ee ka do soro a la. Hadamadenw! an k'an hakililaw fara nogon kan i n'a fo wolōnin y'a ka donniya fara nsongsan ta kan cogo min na. Donniyaw farali nogon kan, o b'ee kobaw dilan. Buruma Berete ka bo Diyu, Kajolo mara la

## Farafinnogo be sumansunw kologeloya ja bolo

Ne nisondiyalen be nin bataki in ci Kibaru ma, ka an ka dugu kunnafoni da lamenbaaw tulo kan.

Jötigew banna pewu anw fe Kunan. Malokan de be sen na halibi; nka malo ma ne kosebe, k'a sababu ke sanji dōgoya ye. No ni tiga kōni jena. Koori fana ma ne sanjidesse koson.

Ne b'a nini senecklaw fe, u k'u sinsin farafinnogo kan; sabula angere songo te faantan bolo. I dan ye ka nogodinge sen i ka foro la k'a lafa; sene waati mana se, i b'a labo, k'a yerege foro k

Bekoro Jara ka bo Kunan, Kungoba komini na Bilenjo

## Siyako sirilen be kanko la wa?

An ye Asani Tarawele ka kuma do soro Kibaru bo 455 nan kōnō. A y'a jira ko sinafokan foli be jini ka to mogokorobaw doron bolo. Asani Tarawele ye Kibaru kanubaa ye ka bo Kokuna, kapolondugu komini na Sikaso.

Ne be A ka kuma son ji la. Sinafow dama te. Kanko geleya selen be Mali siya b'ee ma sisan. Hali bamanankan min be jini ka ke Mali forobakan ye, o f'cogo juman yelemanen be Bamako. Bamanankan juman de be wulakonodugu la;

Walikan foli te se ka mogo bo i ka siya la, ka ke siya were ye. Misali la, Tubabukan be fo mogo caman fe Mali kōnō. Nka a fobaa si te se ka ke tubabu ye. O koson ni siya min banna a ka kan foli ma, o be ka jan da a yere ne. Sabula mogo danbe folo y'a siya ye. N'i siya tununna, o y'i danbe do tununnen ye.

Yaya Mariko ka bo Senu Bamako

## Kibaru kera a kanubaaw sago ye

Ne nisondiyalen be nin bataki in ci Kibaru la, ka Kibaru baarakelaw fo k'u walenumandō. Bawo, u ye yelemani min don Kibaruseben cogoya la, n'o ye k'a ne folo ni ne laban ke kulerima ye, o kelen be nisondiya ani daamu dan be ye Kibaru kalanbaaw bolo.

Kibaruseben tun yecogo man ni Mali kunnafoliseben tow cela. Nka sisan, anw b'an waso ni Kibaru ye.

Basiru Fonba ka bo Beleko, Jelen mara la

## Tōnsigi nafa ka bon

Beleduguka minnu sigilen be Sabalibugu Bamako, kalo o kalo olu be tonsigi ke. Tōnsigi be ke sababu ye ka ko caman nogoya. Mogow be nogon lakodon. A be ben ni kelenya sinsin u ni nogon ce. Ka nogondeme ani baarakejogonya sabati u ni nogon ce.

Tōnsigi in b'a to beledugukaw ka nogon don sigida la; ka nogon kunkow ke. A be san 30 bo bi, kalo o kalo tonsigi in be ke. U be to ka bolofaranjogonkanw ke u makow nenaboli kama. Sibiridon desanburukalo tile 12 ka se a tile 13 ma, beledugukaw ye nenajebe ke. O nenajes de b'a to u be lakodon sigida la, ani u yere oama fana ka nogon don. Mariyamu Bagayoko ye kene datige n'a ka nkusunbala duman ye kabini wulada fe, fo ka se surfanaduntuma ma. Surfanadunnen, Jekuma cebilencew y'u suuru nenaje kan. Pankapuruti ani donbake, dan ma y'o la.

Beledugukaw ka tonsigi neci n'a nenajew b'ena ke sababu ye, mogo werew ka nebo u fe, k'a nogonna sigi sen kan, a nafa koson.

Isa Jalo ka bo Kodugu, Dugabugu komini na Kati

## Kotuba komini na, muso kalanden jolen ka ca ni ce ye

Balikukan be ka yiriwa Kotuba komini duguw kōnō sisan. Kasoro folo, mogo caman tun ye balikukan bila bolo kofe. Olu b'ee be nimisa la bi. Sabula u ne b'a la nafa be ka soro a la, a k'ebaaw fe. Jatemine na, Kotuba komini muso kalannen ka ca ni ce kalannen ye siye fila. Musow ye kalan minnu ke

FarabaBalo ka bo Fuladugu Kotuba, Kita

## Ninan samiyε fisayara doonin

Ne nisondiyalen be nin bataki in ci Kibaru la, ka foli lase a baarakelaw ma. U be fo kunnafoni nafamaw dili la.

O temenen kofe, an be waati min na, wulakonodugu caman tilala jötigew la. No caman yere ladonna sow kōnō kaban. Tigakari tonin fana banna sa. Kunnafon na, Sikaso mara mogo caman te nogosi ke. U be jow nagama donni ka don jiginew kōnō ten. Nogosi be ke mara tow la; i n'a fo Kulukoro ni Segu maraw.

Ninan, samiyε fisayara doonin; nka yoro b'ee man kan soro la, k'a sababukē sanjiko ani dugukolow cogoya ye. Kumadonnaw b'a fo ko «kumanin kelen numan fo ko tan, o ka fisa kuma lankolon tan foli ye». Senecklaw k'u hakili to bolo (suman) feerecogo la. N'a f'ora ko jo kilo be dōrōme 35 fo 40 na kaban, mogo dōw b'u ka suman dantemefere fo ka balodese lase u ma joona. B'ee b'a don ko denbaya balontan ka jugu. Ni kera i yere ma jugu ye, i man kan ka jigi mogo were la i geleya kōnō.

An senecklaw fana kana juguya ke nogon na. Juguya te fosi ne mogo ye ni tijeni te.

Asani Tarawele ka bo Kokuna, Kapolondugu komini na Sikaso

## Sanjiba nana nka soroba ma ke

Sisan mogo be se ka samiyε suman soroli n'a sorobaliya jaabi di ka wasa. Sanji kōni nana kosebe, nka soro ma ke kosebe; sabula mogo caman jorelen don baloko la kabini sisan. Ne Seku Umaru Konare ka jate la, seneckela keme o keme, min ka balo sorolen be kalo 4 k'a bolo, o te teme mogo 15 kan.

An be tilema damine na; no kilo 1 ye 25 ye, tiga kilo 1 ye 40 ye, so dōrōme 40, gan jalan kilo dōrōme 140. Nin geleya nesiranje fe, seneckela caman b'a la ka damandaw segere.

Seku Umaru Konare ka bo Jifali, Torodo komini na Kati

## Suman ma soro Beledugu kōnō ninan

An be san 2010 kōnō. Ne be foli ni tanuni lase Kibaru baarakelaw ma. Kaloo kalo, olu de be ke sababu ye k'an wulakonmogow kunnafoni jamana kōnōkow ani dijne fan were kunnafoni na. Bee b'a ka donta soro Kibaru kōnō.

Seneckela minnu fana b'u ka yorow kunnafoni lase an ma Kibaru jemukan senfe, ne ka foli b'u ye. N be Arajomali baarakelaw fo u ka timinandiya la. Anw be bataki caman seben ka ci u ma i b'a soro u te se ka kalan, walima u kōnōko dafalen te. O n'a ta b'ee, an be wasasoro ukalanto la. Arajo mogow b'o fili ninnu latilen ani k'an ka hakililaw walawanwan.

Ne be dugawu ke, Ala ka san 2010 ke jamanaden b'ee ka here san ye.

O temenen kofe, geleya kun bora senecklaw bolo kaban. Sanji kōni nana yoro caman na an y'o men arajo fe. Nka ninan ma ke soro san ye Beledugu kōnō. Sanjosenbaa cayara ka teme keninge kan. Sanjow dun ma ne. O ye geleyaba ye. An ka je k'a ko to Ala ma.

Soyibajan Jara ka bo Kodumandala Woljedo, Nonkon komini na Kolokani

## Kungojeninaw ka sabali ninan

Ala ye here k'anw ye; nka, an bolo kana ke an yere kala ye. Sabula samiyε fisayara ninan. A foorila konuman. O ye bin caman falen kungo kōnō. Kosalabin nugulen fana cayara. Tilema daminenen file nin ye ka binkene to anw fe yan ninan. Nokalaw ni koorikalaw fana nugulen don kokura.

N'ye nin b'ee kolosi, anw ka baganw man kan ka kongo ninan. Fo n'a kera an yew no ye. Sanji cayali fana b'ena fisaya jiriw ma kosebe. Jiri caman be son ka feere ninan. Nka walasa baganballo ani kungokonjiridenw ka se k'an nafa, fo kungojeninaw ka sabali. U kana tasuma don kungo la tilema waati si la. N'o te, ni kungo jenina, baganbalow ni jirifeerew be tijε. O dun b'ena ni geleya were ye tilema konona na.

Daramani Sise ka bo Nogolaso, Sanzana komini na Kijan Sikaso.

Kalankene N° 90 nan :

## Demokarasiko (3)

Kalankene kono, kabini a nimoro 85 nan, an ye baabu do damine ko "Demokarasiko". An be teme n'o ye. Kibaru nimoro 452 nan kono, an y'an da don tilebinyanfanjamanaw ani koroyanfanjamanaw ka demokarasiko la, nk'an m'u fesefese folo. An y'a jira fana k'an be don min na i ko bi, koroyanfanjamanako be jini ka dabila bawo olu binna. An y'a kanu sanni nin bee fesefesi ka damine, an ka do fo an ka maakorobaw ka faamuyalicogo kan demokarasiko la. Ni demokarasi koro ye ko jamanadenw ka se k'u yere kunkow nenabo ni jama fanba hakilila ye, an be se k'a fo tigi-tigi ko Demokarasi tun b'an fe yan. O la, an jiginna Manden kono kabini Sunjata ka masaya damine na, ka Kurukanfuga sariyasunba fesefese aw ye.

**Kurukanfuga ye yoro jumen ye?**  
Kurukanfuga file nin ye Kangaba donda la n'i be bo Bamako ka taa, sira kininyanfan fe. Kulu sanfela don i'n'a fo a togo b'a jira cogo min na. Kene ferelen don bawo fugaken don. San 1236, lajeba kera Kurukanfuga, Maninkaw ko min ma Gwara min senfe sariyaw tara ka Mandenjamana ko bee lajelen don ton na. An ben'an sinsin gafe min kan walasa ka Kurukanfuga sariyaw nefo, o ye Siriman Kuyaté ka gafe ye. Ale ye

Dukene N° 65 nan :

## Tile o tile musakaw

Du kene N° 62 nan na, Kibaru boko 452 nan kono, an da sera du kura musakaw nesigli ma. An y'a fo k'i be fen nesigi i be min sidon. O koson, an ye du kura musaka suguya dow fo, i'n'a fo : "Tile o tile musakaw, "Waati ni waati musakaw", Jamanadenya musakaw ani Yiriwali musakaw.

An ben'a laje ka don nin musaka kelen-kelen kono k'u walanwalan doonin. Tile o tile musakaw, an y'a fo ka teme, o ye diyagoyalamusakaw ye minnu te se ka bila ka suma, minnu be ke a diyara i ye o, a ma diya i ye o. A ka jii i ka olu de nenabo folo ka soro k'i nesin musaka tow ma. Du kura kono, tile o tile musakaw belebelew ye baloko, kene yako ani kalanko ye. Nka danfara be duguba ni dugu misennin ce. Kuranko, worobineko, telefoniko ani taransiporiko, olu be jate duguba tile o tile musakaw fe. Cike musakaw, baganmara taw ani monni, olu fana be se ka jate cikedugulamogow ka tile o tile

sariyatigela ye Boke mara la Lagine. Lajebla do kera Kankan san 1998 marikalo la Kurukanfuga kan. O senfe Jeli haaraw, moriw, tariku karamogobaw ka bo Mali la, Senegali, Lagine, Nizeri, Ganbi, Burikina, ani Nansarala, olu jera ka ben fo la, ka Mandenjamana sariyasunba labo. U kabakoyara k'a ye ko Mandenjamana bonya n'a janya tun ye damateme ye. U y'a ye fana ko fanga tun sigilen be kala min kan, o tun ye sariyaw ye minnu tara Kurukanfuga.

**Kankan lajekelaw benna fo la cogo di?** Kuma dira bee ma. Haaraw y'u ta fo. Moriw y'u ta fo. Tubabudonni titgilamogow y'u ta fo. Bee lajelen da tura hakilila minnu na, olu fara-farala nogon kan, ka Kurukanfuga sariyaw bo o kono. A baara fanga bonyara kosebe bawo sariya ninnu tun sebenne te. U tun maralen donhaaraw de hakili la. U sebenne don mori minnu fe, olu te son ka bo n'u ka sebenw ye; u b'u fo haaraw de ye; olu de yamaruyalen don k'u lase. Nansarakan karamogobaw, olu nana n'u ka daliluw ye; olu caman ka kunnafo ni sebenna tubabuw de fe. A mana ke cogo o cogo, u sera ka ben fo la. U benna min kan, an bena o kumbabaw lase aw ma Kalankene kono don nataw la. Sanni o ce, an k'a don ko ben kera min kan Kankan, o ye ko sariyasen 44 tun be Mandenjamana sariyasunba

kono. An b'a fo Mandenjamana bawo Lagine, senegali, Burikina, Mali, Ganbi, Saralon, Liberiya, Ginebisawo, Nizeri, ani jamana werew, olu bee tun be jate Mandenjamana fe folo.

Lajebla in nemogoya tun be masake ni haara minnu bolo, olu togo file nin ye : 1 - Kamajan Kamara ka bo Sibi. 2 - Mansa Tarawele ka bo Kanoko. 3 - Soro Siriman Kamisoko ka bo Kirina. 4 - Daman Jawara ka bo Ja. 5 - Siramanba Koyita ka bo Binban. 6 - Waliya Makan Magasuba ka bo Kata. 7 - Siyera Kuman Konaate ka bo Toron. 8 - Faran Kamara ka bo Tabon. 9 - Fakoli Koroma walima Dunbuya ka bo Kulukoro. 10 - Famani Konde walima Jara ka bo Do. 11 - Samadi Bobo ka bo Bobojamana na. 12 - Sansan Sakalon jikanmogow ka masake.

Masarenbondaw tun be kene kan, ka fara mandenjamana mori bondaw n'a haara bondaw kan. Musokunda, hakiliw tora togo minnu na olu file nin ye : Tunbu Mayan, Kenda Kala juman Danba, Woribo naalen.

Dunanw jatigi tun ye Kamanjan Kamara ye. Laje yere nemogoya dira Bobow ka masake ma, Samadi. O be faamuya bawo Bobow ka kalafililaw joyoro bonyara kosebe Madenkaw ka se la Sumangurun kan. A to be bo Kibaru nataw la.

Mahamadu Konta

musakaw fe.

**Tile o tile musakaw ka kan ka nesigi cogo di?** Du kura kono, o be ke jatebo de senfe. Ce ni muso b'i sigi ka jate bo nogon fe. Jatebo folo ye ka musakaw sigi min be min ye, min ka gelon ni min ye, min ka kan ka nenabo joona ka teme min kan.

Du bee n'i ka tijne don o ko la, nka dije fan bee koni, baloko nenaboli ye musaka folo ye. N'i ko balo, i ko suman, i ko ji, i ko nasongo. Kalo kono, suman dunta hake ani tile o tile nasongo, o musakaw be jate k'olu bo a sira fe joona. N'o kera, o ye lakana folo sabatilen ye du kono.

Lakana filanan ye denw ka kalanko ye ani kene ya sabatili. Olu ye fenw ye minnu be boloda ka bila ka soro u ma se. Bana ye waati ni waati ye; kalan fana ye waati bolodalen ye san kono. Olu musakaw be jini ka bila, bawo n'u waati sera fo u ka nenabo. Du kura kono, lakana sabanan ye bolifento walima taransiporiko ye. N'i be bo

don o don ka taa baarakyoro la, n'i bolifen b'i bolo, o sansiko, i b'o jate mine. Ni bolifen t'i bolo, tarasinporiboy'i ma wajibi ye n'i taayoro ka jan.

Kuran ni ji ni telefon, dugubaw kono, olu musakaw jate mineni fana ye diyagoya ye. An k'olu ma du kura lakana naaninanw.

An bena misali ta Ali ni Sali ka du kan. Kalo kono nin ye Ali ni Sali ka don o don musakaw dakunw ye. U y'u boloda nin cogo in na : 1 - malo; 2 - no; 3 - nasongo; 4 - sukaro; 5 - nono; 6 - safune; 7 - kuransara; 8 - jisara; 9 - telefonisara; 10 - kalansara; 11 - kene yako; 12 - taransipori; 13 - sosara, 14 - baaradensara; 15 - ani

dowerew. Den fila be Ali ni Sali bolo, cemannin kelen ani musomannin kelen. U sigilen be Bamako yan Lafiyabugu. U fila bee be kalosarabaara la. U be luwanse la. U y'u ka musakaw nesigi cogo min na, an bena o nefo Kibaru nataw la.

Mahamadu Konta

## Tile de b'a to kalo be ye ne na

Sanfesenw na, kalo kelen pe de be boli ka dugukolo lamunumunu. Yeelen t'a la. Ni tile yelen de sigira a kan, a be ye. Tile mana jo a cemance la, a kooridafalen be ye. Nka n'a kera sinna tile ma, a fan kelennin doron be ye. I n'a fo kalo jotuma an'a satuma.


Kalo si hake be se san miliyari 4 ma. A koorikohoci ye kilometre 1.737 ye. O noggona 3 be bo dugukolo koori kohoci la. O koro ye ko dugukolo fiye ka bon ni kalo ye siye saba. Sufi, nene min be kalo sanfe o be fu jukoro ni degere 173 ye. A kunfila la, degere be fu jukoro ni 240 ye. O ye neneko dan be ye; sabula ji be ke gilasi ye degere fu (0) de la. Nka tile fe, degere 127 be ke kalo sanfe. O fana ye funteniko dan be ye.

Kalo miniminito a no na, a be dugukolo fana lamunumunu. A be dugukolo lamunumunu ka foori ka ben tile 27 ani murumuru 3 ma. Kalo ni tile ce ye kilometre 384.400 ye.

Mun de la kalo fan do be ye, fan do te ye? O te ye; sabuba, kalo be tile hake min ke ka dugukolo lamunumunu, a b'o tile hake fana de ke ka minimini a yere kan. Kalo fan min sinnen be dugukolo ma, o doron de be ye k'i to dugukolo kan.

Dijne kono, mogo folo min taara a sen jokalokan, o kera san 1969 zuluyekalo tile 20. A kera ni fize min ye, o tun be wele Apolo 11 (onzu).

## kojugubakela Umaru Mutualabu



Nuweli don, n'o ye san 2009 desanburukalo tile 25 ye, Nizeriya jamanaden do tun b'a fe ka pankurunba do peren ni bo'mu ye. Mog 300 noggona tun be pankurunin kono. Utun boton don Holandi faaba la n'o ye Ansiteridamu ye, ka taa Deturuwa, Lamerikenjamana na.

Ce min tun b'a fe ka nin kojuguba in ke, a togo ye Umaru Faruku Abudululumatalabi. A lakodonnen be ni togo min ye kosebe, o ye Umaru Mutualabuye. Asibe san 23 la. Afa ye Nizeriya nafolobatigi do ye; minisiri koro fana don. O si be san 70 la an be don min na.

Tuma min na Umaru Faruku Abudululumatalabu minena k'a to tijeni labenw na pankurun kono, a y'a jira ko kojugubakejekulu min be wele «Alikayida», k'a y'o mog 300 do ye Yamani jamana na larabula.

# Mali tun man kan ka bo joona Kupudafiriki la

An ka nin kuma in te kunfekuma ye walima ko an faso ka di an ye kojugu. Jateminé damado de y'an bila a foli la : gelyea minnu ye Samataségew soro, u ye césiri minnu ke, ani Kafu ka sariya y'u gosi cogo min na, an bëna do fo olu la.

## Gelyea minnu ye Samataségew soro :

1 - Banabaatow tun ka ca Samataségew la : n'i be taa fadenkene kan, n'i be taa kélékeyoro la, n'i ni banabaatow taara, minnu ni kenyayabaatow taara, olu b'i dan.

Samasa banabaato céra ka taa n'a ye. A ma se ka yelen hali sije kelen bawo a ma se ka kenyaya.

Kanute fana tun ma gojogojo. Nka Ala ni fasokanu, ale sera k'i pipipiri ka bâna to a la. Momo Sisoko, ale tun man kéné, bawo a be ton min na nansarajamana, o tun t'a layelen yere k'a sababu ke joginni ye. O koson, a ye yelenko kelen ke Mali fe dörön, a desera.

Seyidu bilen fana tun degunnen don, nk'o fana ye dimi to a fari la ka do ke. Jila banana ka kenyaya ka ben ni Angola ntolatanba in ye. A be taa waati min na Angola, a tun kenyaya nka mogo bolen kura

bana na, doonin b'o je halibi.

O tuma, an b'a ye k'a fo ko bana tun digilen be Samatasew la.

2 - Mali kofela tun man ni. Kabini Angola ntolatanba in ma se, jokolosibaa ni kofemogo ce naani tun ye fiye ye. Bi tun don ka di Mali kun fo k'a damatème. U taara n'o fiye niinnu ye Angola, fura si ma soro o la, o de y'a to ni bi caman tun be don an kun joona. O fura duman tun be soro ni Samataségew tun taara ni Sitadi Malien cémance defanscri fila ye.

3 - Ntolatan nemogow ani degelikaramogow taara Angola ni ntolatanna korelen caman ye, k'u ban ka taa ni ntolatan denmisenn ye, ka kene kojokojo, u ka farin, fiye b'u nun na. O kera filiba ye. Mogo b'i to bi la ka sini laben.

Bee ne b'a la k'a fo ko korebalen niinnu be ka dese doonin-doonin ka taa a fe, o ye Ala yere ka baara ye. Polisi m'a sen bo gansan. A y'a faamuya k'a si janfara; a kana taa, o ka fisla ni ka taa mogow korela nagasa. O la, denmisenn minnu cesirilen don, k'olu fara doonindoonin korebalenw kan walasa k'u kolodon, o ye sinijesigibaara ye.

Sitadi Malien ye Kupu ta ka bo Alizerika minnu nekan, olu de taara Alizeri joyoro fa Angola. Ganakaw

ka denmisenn minnu ye Kupudimondi ta Eziputi san 2009, olu de taara u faso togo la Angola. A tun ka ni Sitadi Malien denmisenn minnu ye Kupu Kafu ta, olu fana mogo caman ka ye kene kan Angola, hali n'u bee tun ma se ka yelen, u tun be ko caman faamuya.

4 - Degelikaramogow ma se ka baara ke a sago la. Mali Federason mogow ani kunafonidilaw, bee tun y'i dama degelikaramogow ye. Bee tun b'a fe ale nemogow ka yelen. Dannaya tun teSitefani Kesi kan bilen, bonya tun t'a kan. O bëna ni tigejognna ye ani bënbalia ton kono. A yere ka fo la, a ka gelen ka baara ke Mali kono: bee b'i yere ke kaman ye woro t'a la; bee y'i dama donnikela ye kasoro dönnibaga man ca.

5 - Njununjunkan dòw sera Bamako yan ko Samataségew tun be bo sufe u sago la ka taa a ke yaala ye bolonkononaw la sango an ni Alizezri ka nogonkunben su. Ntolatanna dun, n'i ma sunogó ka fa, k'i fari lafiya i kan, k'i hakili-lafiya, i te se ka baara numan ke.

## Samataségew n'u degelikaramogow ye césiri min ke o ma laboli ke

Samataségew bora cogo o cogo, an k'a don k'u y'u césiri hali n'o y'a soro u ka baara ma laboli ke bawo u sen bora tulon na k'a sababu ke dese ye. U sera ka Angolakaw ka bi naani bo cogo minna, ka tila ka Malawi gosi, k'a soro Alizeri min y'an gosi, Malawi y'o ci; o b'a jira ko Samataségew tun be se ko la. N'a tun ka di u ye tigiti, u tun be se ka taa yoro jan. Munna u ma son k'u ni fili fasoko la? Bee ka kan k'i jira ka jaabi jini o la.

Samataségew ye filaninbin kelen ke, ka gosi sije kelen, ka sebaaya kelen soro. U ye bi 7 don; bi 5 donna u la. Boko folo la, Mali ni Angola, o kera 4 ni 4 ye. O ntolatan in kera karon zanwuyekalo tile 10 san 2010. Kabakoba kera o senfe bawo Samataségew ye bi 4 don sanga 10 nogonna kono. O nogon ma deli ka ke folo kupudafirki damineintolatan si la. Mali fan tan ni naani kono, mogow sira nena je la k'u ka nisondiya jira.

Degelikaramogow ye feere minnu tige ka Angola kunben bi 4 donnek ko an na, o benna sen ma.

Ntolatan filanan kera Mali-Alizeri ye. O kera alamisadon zanwuyekalo tile 14 san 2010. Mali gosira Alizeri fe ni 1 ni 0 ye. O ntolatan in de kera Mali jolo kariyoro ye. Bawo Samataségew n'u ka degelikaramogow ma se ka feere si

soro Alizerikaw la. U ka césiri no ma ye. Mogo kura donnenn ma wo ye, korelen desera. Mogo filila o don Samataségew ma.

Ntendend zanwuyekalo tile 18 san 2010, Mali ni Malawi ye nogon soro. Mali tun ka kan ka bi 3 don ani Malawi ce nk'u desera o la bawo ntolatan banna 3 ni 1 na.

Samataségew ka wulikajo barika bonyara kosebe o ntolatan in na nk'u ma se ka Malawi bali ka bi kelen don. O bi kelen donnenn ye u sirifu gelyea.

Jateminé na, an be se k'a fo ko samataségew ka nefela y'a joyoro fa ka teme cémance ni kofela kan. Seyidubilen ni Kanute joyoro bonyara kosebe. Mamadu Jila ani Mayiga, olu fana ye do ke, nka u tun ka kan ka deme min lase kofela ma k'o fiyw ladilan u ma se k'o ke. Kofela koni tun ye wo dan bee lajelen ye. Olu ma se k'u joyoro fa cogo si la.

Nka nin bee la, faso y'a jo a joyoro la. Samataségew mogo kelen kelen bee ye miliyon naani soro ani ba keme sefawari la (4. 100 000). Degelikaramogow ta y'o nogonna fila ye. N'u tun ye se soro ntolatan minna, miliyon saba tun be di u kelen kelen ma (3 000 000). N'u tun ye filaninbin ke, sefawari miliyon kelen ani ba keme (1 100 000).

**Mali boli nefoli :** An balimake Bukari Kindo ye jininkali ke ka bo Irigande, Ndebugu zoni na, Ofisidinizeri kono, k'ale ma Samataségew bocogo faamuya Alizeri fe.

An sera an balimake Kalifa Nama Tarawele ma, ale ye dariikolojenaje kunafonidila ye "Esori" la. O ye min fo an ye a ko la bakurubafo la o file nin ye.

A y'a jira ko sariya min tarakerekenkenne la ka Angola ntolatanba in korela nena, o y'a jira ko ni damakenyen kera jamana fila ni nogon ce, walasa ka do bila do ne, a be laje u fila ye nogon soro min ke min ye se soro o la, o be ke folo ye. Mali ni Alizeri damakenyen : u fila bee ye filaninbin ke sije kelen : (Mali ni Angola 4 - 4; Alizeri ni Angola 0 ni 0). U fila bee ye sebaaya soro sije kelen (Alizeri ye Mali gosi 1 - 0; Mali ye Malawi gosi 3 - 1).

Sariya korekenkenne in hukumu kono, n'i ye jateminé ke, jamana fila damakenyen nka Alizeri ye Mali gosili min ke 1 ni 0, o de y'a to ni Mali bora.

Mahamadu Konta

## Farikolonjenaje kibaruya werew

- Santiri ntolatannaw ye kupu INPS ta: jumadon zanwuyekalo tile 8 san 2010, CSK ni laramé ntolatanton USFAS ye nogon soro kupu INPS finali la. A labanna 4 ni 0 la CSK kanu na. Bi fila donna CSK mogo kura fe Yakuba Niare. Yakuba Jare singara CSK fe san kelen Onzikereyateri ntolatanton fe.

- Banki Ofu Afrika (BOA) ye boli kuntaala jan nogondan sigi sen kan : arabadon, zanwuyekalo tile 20, ka kene ni Mali sorodasiw ka seli sanyelema 49 nan ma, Banki Ofu Afrika ye boli kuntaala jan sigi sen kan Bamakoyan, jamana camanyera min kene kan. Boli in be wele tubabukan na "Maraton". Boli suguya saba bolodara: kilometre 5 boli, kilometre 10 boli ani kilometre 42 boli. Boli folo kera denmisenniw ta ye, cémanninw ni musomanninw. Sekuba Kulibali kera folo ye; a ye kilometre 5 boli miniti 18 an sekondi 7 kono. Salimata Sogodogo ye musomanninw bee dan; a ye kilometre 5 boli miniti 21 ani sekondi 40 kono. Boli folo in na, folow ye ba duuru soro, filananw, ba naani, sabananw, ba saba. Boli filanan kera npogotigiw ta ye. Min ye bee dan o togo, Mamu Jalo ka bo Sikaso; a ye

**Laji Madheri Jaabi  
Salumu, Bajaga,  
Modibo Nama Tarawele,  
Mahamadu Konta**

## Kupudafiriki təmənenw janaw

Sudan san 1957 : Eziputi - Ecopi : 4 - 0  
 Eziputi san 1959 : Eziputi - Sudan : 2 - 1  
 Ecopi san 1962 : Ecopi - Eziputi : 4 - 2 (moombobo kofe)  
 Gana san 1962 : Gana - Sudan : 3 - 0  
 Tinizi san 1965 : Gana - Tinizi : 3 - 2 (moombobo kofe)  
 Ecopi san 1968 : Zayiri - Gana : 1 - 0  
 Sudan 1970 : Sudan - Gana : 1 - 0  
 Kameruni san 1972 : Kongo Baraza - Mali : 3 - 2  
 Eziputi san 1974 : Zayiri - Zanbi : 2 - 2 o kofe 1 - 0  
 Ecopi san 1976 : Maroku - Gine Konakiri : 1 - 1 Maroku  
 Gana san 1978 : Gana - Uganda : 2 - 0  
 Nizeriya san 1980 : Nizeriya - Alizeri : 3 - 0  
 Libi san 1982 : Gana - Libi : 1 - 1 ani (5 - 4 penalititanw kofe)  
 Kodiwari san 1984 : Kameruni - Nizeriya : 3 - 1  
 Eziputi san 1986 : Eziputi - Kameruni : 0 - 0 (5-4 penalititanw kofe)  
 Maroku san 1988 : Kameruni - Nizeriya : 1 - 0  
 Alizeri san 1990 : Alizeri - Nizeriya : 1 - 0  
 Senegali san 1992 : Kodiwari - Gana : 0 - 0 (11 - 10 penalititanw kofe)  
 Tinizi 1984 : Nizeriya - Zanbi : 2 - 1  
 Afirikidisidi san 1996 : Afirikidisidi - Tinizi : 2 - 0  
 Burukina san 1998 : Eziputi - Afirikidisidi : 2 - 0  
 Nizeriya - Gana san 2000 : Kameruni - Nizeriya : 2 - 2 (4-3 penalititanw kofe)  
 Mali san 2002 : Kameruni - Senegali : 0 - 0 (4 - 3 penalititanw kofe)  
 Tinizi san 2004 : Tinizi - Maroku : 2 - 1  
 Eziputi san 2006 : Eziputi - Kodiwari : 0 - 0 (4-3 penalititanw kofe)  
 Gana 2008 : Eziputi - Kameruni : 1 - 0  
 Angola 2010 : Eziputi - Gana : 1 - 0

## Angola Kupudafiriki sariya kera tənənisariya ye

Kupudafiriki bee n'a sariya don. O sariya ninnu be tali ke FIFA ka sariyaw la anı KAFU ka sariyaw. Angola ntolatanba in sariya min bolila Mali ni Gabon kan (Tilayoro 33 nan sariyasen 72 nan), k'olu sen bo kupudafiriki la, a sariya in nagaminen don, a faamuya ka gelén wa an be se k'a fo fana k'a ni tijé ka jan nogon na. Misali la, Mali ta kera kuru 4 ye ani farankan 1 (kuru 4 + 1); Alizeri ta kera kuru naani ye ani tokaje 2 (kuru 4 - 2). Alizeri ma farankan fosi soro, Mali dun ye farankan kelen soro. Sariya in y'a sinsin min kan ko Alizeri ye Mali gosi, k'a soro Malawi min ye Alizeri gosi 3 ni 0, Mali fana y'o gosi 3 ni 1. Tijé be min nin ko in na?

## Kunnafooni surunw

Sirabakankasaara kera damateme ye Bamako : k'a ta san 2004 la ka se san 2008 ma, sirabakankasaara 12 118 kera Bamako. A geregere yelenne mogo 15 154 kan. Oly la mogo 840 sara, ka mogo 6660 səbekorō jogin, ka mogo 7654 jogin doonin. Mototigi de ka ca kasaaratow la, ka sotaramaw tugu olu la, o kofe sennamogow, o kofe mobilibaw.

Dugukoloyereye kera Hayiti : zanwuyekalo tile 12 dugukolo yereyrela Hayiti. Hayiti ye Farafinjamana folo ye k'a ka yeremahoronya soro dijé kono. A be Ameriki gun kan. Dugu faaba cira bogobogo. Peresidan ka pale, Kalansow, dəgətərəsow, kuma te sisow ma, olu binna. Mogo 150 000 su yera bogo jukoro. Mogo 200 000 su be bogo jukoro halibi, olu ma se ka bo. Mogo joginnen hake ye dadənbali ye. Sontan ba caman be yaala la a kufé, siyoro t'u bolo, balo te yen, ji te yen, kurant te yen. Denmisennin falatow te dan ka ban. Tubabuw be ka dəw ta ka taa u lamo. Demedonjekulu be ka u wasa don dəw la. Dijé kono, wulikajow be senna ka Hayiti magen. Min ta ye Dugawu ye, min ta ye nafolo ye, min ta ye balo ye, min ta fura ye, min ta ye makoneminenw ye. Mali yere y'a seko ke ani Afiriki jamana caman. Lamerikenw, Faransi ani Eropu ni Azi jamana caman be wulikajow la, ka fara dijé jamana yere mahoronyaleny ka tənba kan ONU.

Lagine persidan Musa Dadisi Kamara be balo la: Kabini a kələsibaga Tunba Jakite y'a janfa, k'a bon marifakise la a kunkolo la don min na, desanburukalo tile 3 don, mogo tun famana Lagine peresidan kibaruyaw ma. Kalo tile 4 u taara n'a ye Maroku k'a furake. A fisayara bi, a be Burikina k'a lafiya. Aye fanga latem a ka dankan ma, zenerali Sekuba Konaté. Minisirin mogo kura sigira. O bena goferenaman kura sigi, ka wotew laben kalo wɔɔro kono.

San 2009 kono, Faransi ye dunan səbenntan 29.000 gen

Faransi jamana na, minisiri min nesinnen be dunanko ma n'o ye Eriki Besoni ye, o y'a jira ko Faransi ye dunan 29.000 gen san 2009 konona na. Ko səben jonjon tun t'olu bolo. Kasoro u ka jamanakuntigi Nikola Sarikozi tun ye dunan 27.000 de kofe a ye, minnu tun ka kan ka gen. Eriki Besoni ka fo la, Faransi ye Afuganisitan jamanaden 12 dəron gen, ka yamaruya di mogo 250 ma olu k'u sigi. Angilejamana dun ye Afuganisitan mogo 1.000 gen san 2009 konona na. O san kelen kono Faransi ye jamanaden yasəben di dunan 108.000 ma. Wiza kuntaala jan fana dira dunan 175.000 fana ma Faransi fe.

## Degelikaramogo Sitefani Kesi ko mogo te se ka baara ke Mali la



### Degelikaramogo Sitefani Kesi

Mali kunnafonisəbenba n'o ye Esoori ye, o ye nininkaliw səme degelikaramogo Sitefani Kesi la yanni Samatasəgew n'u nəfəmogow ka na ka bo Angola. Kaniko kera cogo min na ani ntolatan nəmogow ye gelya minnu lase a ma a ka baara konona na, a da sera a caman ma. Nininkaliw n'u jaabi fil:

### Bakurunbafoli la, Kani 2010 kera cogo di Samatasəgew bolo?

Jaabi : Fen min ye Samatasəgew soro, o ma ben ne Sitefani Kesi ma. Malika ntolatan folo la, a ni Angola ye nogon soro. Angola ye bi 4 don Mali la lere kelen kono. Kabini ne ye degelikaramogoya damine o nəgonna tun ma deli ka ke n na. Nka Samatasəgew labanna ka bi 4 injuru sara miniti (sanga) 11 kono. O ye dabalibanko ye. Mogo si tun ma sigi n'o ye. O waleya in diyara ne ye kosəbe; o ye n jigi sigi ka ntolatan təw makono. Nka n labanna ka fo n jigi ko. Sabula ntolatan filan na an ni Alizeri benna. O y'an gosi.

### Mun de ye Samatasəgew bali (soro) u ni Alizeri ka ntolatan in na?

Jaabi : An ma se ka fosi ke a don na. Ne yere filila Samatasəgew ma pewu. Jaabi wasara. Nka, u y'an gosili kala da ne kun. Ko ne ye mogo kura naani yelen ntolatan in na. N'o ye Musutafa Yatabare, Tənəman NJayi, Sunbeyila Jakiteani Abudulayi Mayiga. O dun tun ye diyagoya ye; sabula u ye ne wajibya ka ko caman ke yanni ntolatan be se. N'o ye Mali ni Alizeri ka ntolatan ye. O wajibi do tun ye ko ntolatanna min ye Mali ni Angola ntolatan ke, ni ne y'o mogo kelenw bila ka Mali Alizeri ta ke, k'olu be ne faga.

Mali ntolatan nəmogow yere de ye ne bagabaga n'o kuma in ye an ka lotoli la.

I be se k'o nəmogo ninnu təgo fo wa?

Jaabi : Mogo o mogo taara Angola Mali təgo la, o bee y'a fo. Hali aw

kunnafonidilaw; a' bee y'a fo. A' ye kuma suguya bee da ne kan. Mogo yere yelefonicinema kaboo Bamako, ko ni ne seginna k'u be ne faga. O kuma in fora lere fila yanni Mali ni Alizeri be nogon soro. Do yere ko ni Mahamadu Sidibe jora jo kələsili la, k'u be tasuma don a ka denbaya la. Ne tun ma deli ka nin nog onna kumajuguw men n tulo la folo. Nin ye fitiriwaleyala ye ka nesin Mahamadu Sidibe ma. A dun b'a la k'a yere di faso ma.

Nin bee de koson, e ye mogo kura naani yelen ntolatan filan na?

Jaabi : Bee be k'a yere ke degelikaramogo ye. Federason nəmogow fana ko ni ne m'u sago ke u be ne faga. O tuma na aw tun b'a fene k'a ke cogo wəre jumen na? Malidenw ye mogo minnu sugandi, olu de ye Malini Alizeri ka ntola tan. Ne Sitefani Kesi ka ntolatanna sugandilenw tun te. Utun be min nini uy'o soro. Ntolatan senkorodonbaaw ni federason nəmogow ye ne wajibya n k'u sagolamogow yelen. Ne Sitefesni Kesi y'a faamuya sisani, kun min na Mali ye degelikaramogo falenko 10 nogonna ke san damado in kono. Tijé ka fo mogo te se ka baara ke Mali la.

E t'a fe ka teme ni Samatasəgew degelikaramogoya ye wa?

Jaabi : Ne m'o fo. Ne ni ntolatannaww delila. U ka baasi fosi ma se n ma. A ka di ne ye ka to denmisən ninnu fe, naniya min b'u la, u ka se k'a waleya don do la. Gelya be ne ni mogo minnu, ce, olu ye ntolatan nəmogow ye. U ye n degun fo ka hake teme. Ne te se ka to yan o cogoya la. Netaa siraw te. Mogo te təgədiya soro a la. N'a ma je ko ne n'u be je a dəwəre ma, fo n'u be ne joyo to n b olo.

Solomani Bobo Tunkara  
Dokala Yusufu Jara

«AMAP» kuntigi  
Solomani Darabo

kanw kunnafonisəbenw  
baarada kuntigi  
Lanzé Samaké  
Kibaru

BP : 24 Telefoni: 20-21-21-04

Kibaru Bugufiyé Bosola

Bamako - Mali

Səbənni jekulu  
Mahamadu Konta,  
Dokala Yusufu Jara

Labugunyoro : Kibaru gafedilan  
baarada


Bələn hake 16 000

# Jamanakuntigi ka jemukan ka san kura bisimila

Tubabusanyeléma manase, arajo ni jabaranin na, peresidan be kuma ta ka foli ni tanuni ke, ka hakililajigin ke ka nesin an ka maakorébow ma ani jamana némogo fölow. Baara minnu kéra ani gelaya minnu sorola san temenén kono, a b'olu fesefese ka soro ka san kura kibaruyaw lase jamanadenw ma.

A ka kuma na, a da sera yélémwé ma minnu bëna don jamana taabolow la sira caman kan : mara kecogo, demokarasi bolicogo, soro yirwacogo, fo ka taa se lakana ma ani ko wérèw.

Kabini san 2008, jekulu kérénkérénnen sigira sen kan k'o némogoya di Minisiri Daba Jawara ma. O ka baara kéra ka Mali demokarasiko fesefese, fiñé minnu b'a la, wásayoro minnu b'a la, olu ka don an'a ka kan ka taabolo kura minnu ta ka kérè ni jamanadenw haminanko gëlenw ye ani dijé



taabolo kuraw, o bëe fesefesera. Lanini tun ye : - ka fanga sigibolow sinsin k'u ka se jidi; - fili ni geleya minnu yera wotekow la ka fura soro olu la; - paritiw démeninafoloko, k'o sementiya; - pariti minnu te fanga kan fo, n'an ko u ma oposison, olu démeccogo sariya hukumu kono ani nafoloko la walasa u ka se k'u jo u joyoro la, o fana tun laninin don. O

lanini ninnu tc se ka waleya fo yélémwé ka don faso sariyasunba la.

Jamanakuntigi y'a jira a ka kumaw kono ko waati nataw la, a bëna nini jamanadenw fe yélémwé ka don sariyasunba yoro dòw la. O yélémwé be nesin goferenaman yere sigicogo n'a labencogo n'a ka baarakacogow ma anika "Sena" sigisenkan. "Sena" bëna ke fangabulon filanan ye. A ka baaraw têna ke sariyata ye i n'a fo depitebulon. Fanga bolicogo numan kolosili, ka jamanadenw ka hakew, u ka soro, seko ni dònko ani hadamadenyasiraw sinsinii n'u lakanani, olu bëna ke ale ka baaraw ye. Yélémwé be nesin jamana kiiritigesoba bëema, k'uberebënlanini kuraw ma. U be nesin soro, hadamadenyasira ani seko ni dònko konsayifana ma. Fen minye nafoloko nénaboli sariyaso ye ani kunnafonidilanw ka kojew nénaboli sariyaso, olu bëna sigi sen

kan. Férew bëna tige fana jamanadenw ka se k'u ka hakew lafasa, k'u kisi ténénw ni dantemewalew ma ni fanga donni ye jamana "Mejateri" ka baaraw la. Jamana marabolow sigicogo, yélémba bëna don o la.

An be don min na i ko bi, marabolo ye 8 ye ani disitiriki kelen. Serikili hake ye 49 ye ka arondisiman hake ke 286 ye. O tigecogo koro ninnu ni yéléma kura bolodalen ninnu te jogon ta bilen. Walasa ka fanga lasurunya jamanadenw na, a ka ke u sago ye, desantaralizason ka sabati, marabolo kuraw bëna dilan ka fara körolenw kan. O bëna ni serikili ni arondisiman hake cayali ye. O maraboloyelema ninnu hukumu kono halibi, Bamako bëna ke komini belebeleba ye ka arondisimanw sigi a kono. O sëbenw labenna kaban, u bëna latème minisiriw ma u k'u fesefese.

Mahamadu Konta

## AMAP bëna dakabana sebëndilanmansin kura soro ninan



Mali ka yéremahorónya san 50nan seli labenw bëna ke wasa ye AMAP ma

Mali ka kunnafoniko ani lagamuni cakeda n'o ye AMAP ye, o bëna sebëndilanmamsin kura soro san 2010 in na. Cakeda in némogojekulu ka laadalatonsigi 26 nan min kéra san 2009 desanburukalc tile 31. Madamu Jara Mariyamu Fiáñce Jalo ye kunnafoni in di. Ale ye kunnafoni n'a dicogo kura minisiri ye. AMAP némogojekulu némogo fana don.

Laje insenfe, dijé kéra ni AMAP ka san 2010 baarakafolo bolodalen ye. A be bëna sefawari miliyari 3 ani miliyon 400 ma. Kémesarada la, o ka ca ni san 2009 ta ye ni 33 ye. O dofaranki in sorola ko fila fe. Goferenaman tun be démewa! min di AMAP ma, kémesarada la o ve 48 nimurumuru 28 fura okan. Demewari in kéra miliyari 1 ani miliyon 181 ye ninan. Sefawarimiliyon 500 fana bëna di AMAP ma sebëndilanmasin kura

kofélen in sanni kama. Nin ye baarakafolo cayakunfoloye. AMAP yére be ka dabali minnu tige walasa a ka se ka nafa soro a ka baaraw la, o y'a kun filanan ye. O nafasorosira ninnu bëna jidi kémesarada la, ni 26 ani murumuru 29 ye. San 2009 na, a ye miliyari 1 ani miliyon 820 soro. San 2010 in kónona na, a jigi be miliyari 2 ani miliyon 299 kan, a ka baaraw nafa la. Mali ka yéreta san 50nan nénajekow hukumu kono, AMAP ka nafa sorotaw b'a to, a ka se k'o nembilabaraw b'o a sira fe. Odo yesan 50 kokélenw sëben do dilanni ye, minbe tali ke politikow, nafolokow, hadamadenya sabatikow, farikolo nénajekow, ani seko ni dònko la. Foto minnu fana tara san 50 in kono, yaala be ke k'olu jira mogow la Mali fan bëe fe.

**Yusufu Dunbiya**  
Dokala Yusufu Jara

## Jara Sanogo Bugunerí, kéra Afiriki tubabukanfojamanaw ka nögolónbola nana ye san 2009 kono

Jara Sanogo donnen don kosebe Mali kono tiyatiribô la. San 1986, Bugunerí dara a la, bawo a ye baaraden min joyoro fa, o tun togo Bugunerí. O waatiw la Bamako yan, baaradenko tun kelen be patisakana ye. Patoromuso b'u toor, o ce b'u nini cénimusoya la, demmisew b'u mine i n'a jón du kono. O de y'a to ni tiyatiri in ye sangaba soro, ka Jara Sanogo togo bo, bëe ko a ma Bugunerí. O nögolón bora Mali marabolo bëe kono, kalo saba kono. Otiyatiri in sababuya la, Jara Sanogo lakodonna kosebe jamana kono an'a kokan. Jabolaw y'a gërc u la ani folikelaw : tiyatiri, siniman ani foli, ciu kéra a ka baara ye.

Seku Umaru Sisoko ka sinima min be wele "Namanton", a sen yera o la san 1986. A sen yera o mogo kelen ka ja wëre la n'o yé "Finsan" ye san 1988. Adama Darabo ka ja min be wele "Ta donna" a sen donna o fana na san 1990 ani "Ngonw ka don" o ye Polonika do ka ja ye. Kósan in na, Mali siniman kura min bora n'a sebënnna Iburahima Li fe, k'a laben Iburahima Ture fe, "Tuvalidarene", a ye baara ke o fana kono.

Foli nasiraw la, Jara Sanogo ka alibomu folo bora san 1991; a y'o togo da "Juguya". Alibomu filanan bora san 2004, o togo dara "Kome".

Jara sanogo y'i to nin bëe la ka kalan ke fo ka wasa. Seko ni dònko lakoliso min be Bamako (INA), a ye kalan ke yen, ka tila ka sannaanikalan



ke lakolikaramogow ka lakolosoba la (ENSUP).

Nin baaraba ninnu bëe faralen jogon kan, o de y'a to ni Jara Sanogo ye joyoro folo soro mogo 77 céla. A kéra nana ye Afiriki tubabukanfojamanaw kono tiyatiribô la, ka Mali bëe kunnawolo. Jara yére ka fo la, latige de y'ale ke nögolónbola, folikela ani sinimanbola ye. A ye baara ninnu mine ni sebë ye k'a don k'a fo a bë mako ne ale ye cogo min na, a b'a ne jamanadenw fana ye ten, bawo u bë i n'a fo fura ani laadilkaw, bëe b'i niyoyoro soro min na.

Jara be ka férew tige k'a ka lanini sábati. A b'a fe ka Alibomu kuraw b'o, ka jogolónw laben ani sinimanw nka musakaw ka bon a ma. A be déménini na walasa k'a lanini waleya.

**Yusufu Dunbuya**  
Mahamadu Konta